

গীতি গুচ্ছ

3/11/1911
3/11/1911
3/11/1911

3/11/1911

3/11/1911

3/11/1911

3/11/1911

3/11/1911

3/11/1911

3/11/1911

3/11/1911

3/11/1911

3/11/1911

3/11/1911

ওগো কবি তুমি আপন ভোলা,
 আনিলে তুমি নিখর জলে ঢেউয়ের দোলা !
 মালাখানি নিয়ে মোর
 একী বাঁধিলে অলখ ডোর !
 নিবেদিত প্রাণে গোপনে তোমার কী সুর
 তোলা !
 জেনেছ তো তুমি অজানা প্রাণের
 নীরব কথা ।
 তোমার বাণীতে আমার মনের
 এ ব্যাকুলতা—
 পেয়েছ কী তুমি সাঁঝের বেলাতে
 যখন ছিলাম কাজের খেলাতে
 তখন কি তুমি এসেছিলে—
 ছিল ছুয়ার খোলা ॥

□

এই নিবিড় বাদল দিনে
 কে নেবে আমায় চিনে,
 জানিনে তা ।
 এই নব ঘন ঘোরে,
 কে ডেকে নেবে মোরে
 কে নেবে হৃদয় কিনে,
 উদাসচেতা ।

পবন যে গহন ঘুম আনে,
তার বাণী দেবে কি কানে,
যে আমার চিরদিন
অভিপ্রেতা !

শ্রামল রঙ বনে বনে,
উদাস সুর মনে মনে,
অদেখা বাঁধন বিনে
ফিরে কি আসবে হেথা ?

□

৩

গানের সাগর পারি দিলাম
সুরের তরঙ্গে,
প্রাণ ছুটেছে নিরুদ্দেশে
ভাবের তুরঙ্গে ।
আমার আকাশ মীড়ের মুছনাতে
উধাও দিনে রাতে ;
তান তুলেছে অস্ত্রবিহীন
রসের মৃদঙ্গে ।
আমি কবি সন্তসুরের ডোরে,
মগ্ন হলাম অতল ঘুম-ঘোরে ;
জয় করেছি জীবনে শঙ্করে,
মোর বীণা ঝংকারে :
গানের পথের পথিক আমি
সুরেরই সঙ্গে ॥

হে মোর মরণ, হে মোর মরণ !
 বিদায় বেলা আজ একেলা
 দাঁও গো শরণ ।

তুমি আমার বেদনাতে
 দাঁও আলো আজ এই ছায়াতে
 ফোটার গন্ধে অলস ছন্দে
 ফেলিও চরণ ॥

তোমার বৃকে অজানা স্বাদ,
 ক্লান্তি আনো, দাঁও অবসাদ ;
 তোমায় আমি দিবসযামী
 করিছু বরণ ।

তোমার পায়ে কী আছে যে,
 জীবনবীণা উঠেছে বেজে ?
 আমায় তুমি নীরব চুমি
 করিও হরণ ॥

□

৫

দাঁড়াও ক্ষণিক পথিক হে
 যেয়ো না চলে,
 অরণ-আলো কে যে দেবে
 যাও গো বলে ।
 ফেরো তুমি যাবার বেলা,
 সাঁঝ আকাশে রঙের মেলা

দেখেছ কী কেমন ক'রে

আগুন হয়ে উঠল জ্বলে ।

পুব গগনের পানে বারেক তাকাও

বিরহেরই ছবি কেন আঁকাও ?

আঁধার যেন প্লাবন সম আসছে বেগে

শেষ হয়ে যাক তারা তোমার

ছোঁয়াচ লেগে ।

থামো ওগো, যেয়ো না হয়

সময় হলে ॥

□

৬

শয়ন শিয়রে ভোরের পাখির রবে

তন্দ্রা টুটিল যবে ।

দেখিলাম আমি খোলা বাতায়নে

তুমি আনমনা কুসুম চয়নে

অস্তর মোর ভরে গেল সৌরভে ।

সন্ধ্যায় যবে ক্লাস্ত পাখিরা ধীরে,

ফিরিছে আপন নীড়ে,

দেখিলাম তুমি এলে নদীকূলে

চাহিলে আমায় ভীকু আঁখি তুলে

হৃদয় তখনি উড়িল অজানা নভে ॥

ও কে যায় চলে কথা না বলে দিও না যেতে
 তাহারই তরে আসন ঘরে রেখেছি পেতে ।
 কেন সে সুধার পাত্র ফেলে
 চলে যেতে চায় আজ অবহলে
 রামধনু রথে বিদায়ের পথে উঠিছে মেতে ॥

রঙে রঙে আজ গোধূলি গগন
 নহেকো রঙিন, বিলাপে মগন ।
 আমি কেঁদে কই যেয়ো না কোথাও,
 সে যে হেসে কয় মোরে যেতে দাও,
 বাড়ায়ে বাহু বিরহ-রাহু চাঙ্কিছে পেতে ॥



হে পাষণ, আমি নিষ্প্রিণী
 তব হৃদয়ে দাও ঠাঁই ।

আমার কল্লোলে
 নিষ্ঠুর যায় গ'লে
 চেউয়েতে প্রাণ দোলে,
 —তবু নীরব সদাই ।

আমার মর্মেতে কী গান ওঠে মেতে
 জানো না তুমি তা,
 ভোমার কঠিন পায় চির দিবসই হায়
 রহিলু অবনতা ।

যতই কাছে আসি
আমারে মৃত্ত্ব হাসি
করিছ পরবাসী,
তোমাতে প্রেম নাই ॥

□

৯

শীতের হাওয়া ছুঁয়ে গেল ফুলের বনে,
শিউলি-বকুল উদাস হল ক্ষণে ক্ষণে,
ধূলি-ওড়া পথের 'পরে
বনের পাতা শীতের ঝড়ে
যায় ভেসে ক্ষীণ মলিন হেসে আপন মনে
রাতের বেলা বইল বাতাস নিরুদ্দেশে,
কাঁপনটুকু রইল শুধু বনের শেষে ।
কাশের পাশে হিমের হাওয়া,
কেবল তারি আসা-যাওয়া—
সব-ঝরাবার মন্ত্রণা সে দিল শুধু সংগোপনে ।

□

১০

কিছু দিয়ে যাও এই ধূলিমাখা পান্থশালায়,
কিছু মধু দাও আমার বৃকের ফুলের মালায় ।
কত জন গেল এ পথ দিয়ে
আমার বৃকের স্রবাস নিয়ে
কিছু ধন তারা দিয়ে গেল মোর সোনার থালায় ।
পথ চেয়ে আমি বসে আছি হেথা তোমার আশে
তুমি এলে যদি কাছে বসো প্রিয় আমার পাশে ।

কিছু কথা বল আমার সনে,
ঢেউ তুলে যাও নীরব মনে,
এইটুকু শুধু দাও তুমি ওগো আমার ডালায় ॥

□

১১

ক্লান্ত আমি, ক্লান্ত আমি কর কমা,
যুক্তি দাও হে এ-মরু তরুরে, প্রিয়তমা ।
ছিন্ন কর এ গ্রন্থিডোর
রিক্ত হয়েছে চিন্ত মোর
নেমেছে আমার হৃদয়ে শ্রাস্তি ঘন-অমা ।
যে আসব ছিল তোমার পাত্রে,
শোষণ করেছি দিনে ও রাত্রে ।
রসের সিন্ধু মস্থন শেষে,
গরল উঠেছে তব উদ্দেশে,
তুমি আর নহ আমার অতীত, হে মনোরমা ॥

□

১২

সাঁঝের আঁধার ঘিরল যখন
শাল-পিয়ালের বন,
তারই আভাস দিল আমায়
হঠাৎ সমীরণ ।
কুটির ছেড়ে বাইরে এসে দেখি
আকাশকোণে তারার লেখালেখি
শুক হয়ে গেছে বহুক্ষণ ।

১৬৩

আজকে আমার মনের কোণে
 কে দিল যে গান,
 ক্ষণে ক্ষণে চমকে উঠি
 রোমাঞ্চিত প্রাণ ।
 আকাশতলে বিমুক্ত প্রাস্তরে,
 উধাও হয়ে গেলাম ক্ষণ তরে ।
 কার ইশারায় হলাম অশ্রমন ॥

□

১৩

কঙ্কণ-কিঙ্কিণী মঞ্জুল মঞ্জীর ধ্বনি,
 মম অন্তর-প্রাক্ষণে আসন্ন হল আগমনী ।
 ঘুমভাঙা উদ্বেল রাতে,
 আধ-ফোটা ভীরু জ্যোৎস্নাতে
 কার চরণের ছোঁয়া হৃদয়ে উঠিল রণরণি
 মেঘ-অঞ্জন-ঘন কার এই আঁখি পাতে লিখা,
 বন্দন-নন্দিত উৎসবে জ্বালা দীপশিখা ।
 মুকুলিত আপনার ভারে
 টলিয়া পড়িছে বারে বারে
 সংগীত হিল্লোলে কে সে স্বপনের অগ্রণী ॥

□

১৪

মেঘ-বিনিন্দিত স্বরে—
 কে তুমি আমারে ডাকিলে শ্রাবণ বাতাসে ?
 তোমার আহ্বান ধ্বনি—
 পরশিয়া মোরে গরজিল দূর আকাশে ।

বেদনা বিভোল আমি
ক্ষণেক ছুয়ারে থামি
বাহিরে ধূসর দিনে—
ছুটে চলি পথে মদির-বিবশ নিশাসে ।

মেঘে মেঘে ছাওয়া মলিন গগনে,
কোন আয়োজন ছিল আনমনে ।
বাহিরে কী ঘনঘটা,
ভিতরে বিজলী-ছটা
মস্ত ভিতরে বাহিরে—
আজ কি কাটিবে বিরহ বিধুর হতাশে ॥

□

১৫

গুঞ্জরিয়া এল অলি ;
যেথা নিবেদন অঞ্জলি ।
পুষ্পিত কুসুমের দলে
গুন্‌গুন্‌ গুঞ্জিয়া চলে
দলে দলে যেথা ফোটা-কলি ।

আমার পরাণে ফুল ফুটিল যবে,
তখন মেতেছি আমি কী উৎসবে ।
আজ মোর ঝরিবার পালা,
সব মধু হয়ে গেছে ঢালা ;
আজ মোরে চলে যেও দলি ॥

১৬৫

কোন অভিশাপ নিয়ে এল এই
 বিরহ বিধুর-আঘাট ।
 এখানে বুঝি বা শেষ হয়ে গেছে
 উচ্ছল ভালবাসার ।
 বিরহী যক্ষ রামগিরি হতে
 পাঠাল বারতা জলদের স্রোতে
 প্রিয়ার কাছেতে জানাতে চাহিল
 সব শেষ সব আশার ॥

আমার হৃদয়ে এল বুঝি সেই মেঘ,
 সেই বিহ্বল পর্বত-উদ্বেগ ।
 তাই এই ভরা বাদল আঁধারে
 মন উন্মন হল বারে বারে
 হৃদয় তাইতো সমুখীন হল
 বিপুল সর্বনাশার ॥



ভুল হল বুঝি এই ধরণীতলে,
 তাই প্রাণে চিরকাল আগুন জ্বলে
 তাই আগুন জ্বলে ।
 দিনের শেষে
 এক প্লাবন এসে
 জানি ঘিরিবে আমার মন কৌতূহলে,
 নব কৌতূহলে ।

আমার জীবনে ভুল ছিল না বুঝি,
তাই বারে বারে সে আমারে গিয়াছে খুঁজি।
দিনের শেষে
আজ বাউল বেশে
ঘুচাব মনের ভুল নয়ন জলে,
মোর নয়ন জলে ॥

□

১৮

মুখ তুলে চায় সুবিপুল হিমালয়,
আকাশের সাথে প্রণয়ের কথা কয়,
আকাশ কহিছে ডেকে,
কথা কও কোথা থেকে ?
তুমি যে ক্ষুদ্র মোর কাছে মনে হয় ॥
হিমালয় তাই মুর্ছিত অভিমানে,
সে কথা কেহ না জানে ।
ব্যর্থ প্রেমের ভারে
দীর্ঘ নিশাস ছাড়ে—
হিমালয় হতে তুষারের ঝড় বয় ॥

□

১৯

ফোটে ফুল আসে যৌবন
সুরভি বিলায় দৌঁছে
বসন্তে জাগে ফুলবন
অকারণে যায় বাত ॥

কোনো এককাল মিলনে,
বিশ্বেরে অমুশীলনে
কাটে জ্ঞানি জ্ঞানি অমুক্ষণ
অতি অপরূপ মোহে ॥

ফুল ঝরে আর যৌবন চলে যায়,
বার বার তারা 'ভালবাসো' বলে যায়
তারপর কাটে বিরহে,
শূন্য শাখায় কী রহে
সে কথা শুধায় কোন মন ?
'তুমি বৃথা' যায় কহে ॥

